

MIŠLJENJE

po Zahtjevu privrednog subjekta Bingo d.o.o. Tuzla

**Sarajevo,
oktobar 2017. godine**

Broj: 01-26-7-017-8-17
Sarajevo, 11.oktobar 2017. godine

Na osnovu člana 25. stav (1) tačka f) Zakona o konkurenciji ("Službeni glasnik BiH", br. 48/05, 76/07 i 80/09), a po Zahtjevu privrednog subjekta Bingo d.o.o. Bosanska poljana bb, Tuzla, Bosna i Hercegovina, zaprimljenog od strane Konkurencijskog vijeća dana 27.07.2017. godine pod brojem: 01-26-7-017-1/17, Konkurencijsko vijeće, na 11. (jedanaestoj) sjednici održanoj dana 11. oktobra 2017. godine, je donijelo

MIŠLJENJE

Privredni subjekt Bingo d.o.o. Bosanska poljana bb, Tuzla, Bosna i Hercegovina (u daljem tekstu: Bingo ili Podnosilac zahtjeva), podnio je Konkurencijskom vijeću Zahtjev za davanje mišljenja u vezi postojanja obaveze podnošenja prijave koncentracije (u daljem tekstu: Zahtjev), zaprimljen dana 27.07.2017. godine pod brojem: 01-26-7-017-1/17.

Podnosilac zahtjeva traži mišljenje od Konkurencijskog vijeća u vezi postojanja obaveze podnošenja prijave koncentracije obzirom da privredni subjekt Bingo ima namjeru da sa društvom koje vrši iznajmljivanje poslovnih prostora u Sarajevu zaključi ugovor o zakupu, na osnovu kojeg bi ušao u zakup poslovnog prostora veličine oko 1.200 m² na adresi BBI Centar, Trg djece Sarajeva br.1, 71 000 Sarajevo za potrebe obavljanja svoje djelatnosti tj. maloprodaje prehrambenih proizvoda i roba široke potrošnje. U navedenom poslovnom prostoru se trenutno nalazi maloprodajni lanac Konzum koji također obavlja istu djelatnost, na osnovu ugovor o zakupu.

Podnosilac zahtjeva u Zahtjevu dalje navodi sljedeće:

- da će Bingo uzeti u zakup isti poslovni prostor koji trenutno koristi privredni subjekt Konzum kao supemarket na osnovu ugovora o zakupu;
- da Bingo nije, niti će biti u bilo kakvom ugovornom odnosu sa privrednim subjektom Konzum u vezi sa predmetnim poslovnim prostorom;
- da Bingo preuzima poslovni prostor – supermarket i stupa na mjeso konkurenta, privrednog subjekta Konzum.

Konkurencijsko vijeće je dana 22.08.2017. godine aktom broj: 01-26-7-017-3/17 zatražilo dodatna pojašnjenja od strane Podnosioca zahtjeva, na koje je Podnosilac zahtjeva odgovorio podneskom zaprimljenim dana 28.08.2017. godine pod brojem: 01-26-7-017-4/17. Naknadno je ponovo upućen zahtjev za dostavom dodatnih informacija i to dana 21.09.2017. godine aktom broj: 01-26-7-017-6/17 na koji je Podnosilac zahtjeva odgovorio dana 02.10.2017. godine podneskom zaprimljenim pod brojem: 01-26-7-017-7/17.

Podnosilac zahtjeva pretpostavlja da se u ovom slučaju radi o koncentraciji u skladu sa članom 12. Zakona o konkurenciji (u daljem tekstu: Zakon). U vezi sa uslovima iz člana 14. Zakona obavještava Konkurencijsko vijeće o sljedećem:

- s obzirom na ukupan godišnji prihod privrednog subjekta Bingo, može se pretpostaviti da je uslov iz člana 14. stav (1) tačka a) Zakona ispunjen te da
- privredni subjekt Bingo ispunjava ukupan godišnji prihod na tržištu Bosne i Hercegovine iz člana 14. stav (1) tačka b) Zakona pri čemu nema učešće na relevantnom tržištu (bilo da se radi o opštinama u Sarajevu, Kantonu Sarajevo ili tržištu Bosne i Hercegovine) iznad 40%.

Podnosilac zahtjeva dalje ističe da se u ovom slučaju primjenjuju odredbe člana 14. stav (3) Zakona, odnosno da se pri izračunavanju prihoda treba uzeti samo prihod onih dijelova privrednih subjekata koji su predmet koncentracije, odnosno prihod koji je ostvaren u predmetnom poslovnom prostoru – supermarketu.

Privredni subjekt Bingo navodi da nema podatke o ostvarenom prihodu privrednog subjekta Konzum u predmetnom poslovnom prostoru jer sa istim nema nikakvu direktnu vezu u vezi ugovora koji namjerava zaključiti budući da nije ugovorna strana te stoga nije u mogućnosti utvrditi da li su u obavezi podnijeti prijavu koncentracije Konkurencijskom vijeću.

Privredni subjekt Bingo se obratio Konkurencijskom vijeću za izdavanje mišljenja i to da li se predmetna koncentracija smatra koncentracijom u smislu člana 12. Zakona te ako jeste da li predmetna transakcija ispunjava uslove za prijavu u smislu člana 14. Zakona.

Imajući u vidu navode iz Zahtjeva, a uzimajući u obzir da privredni subjekt Bingo ima namjeru da sa društvom koje vrši iznajmljivanje poslovnih prostora u Sarajevu zaključi ugovor o zakupu kao i da privredni subjekt Bingo nije, niti će biti u bilo kakvom ugovornom odnosu sa privrednim subjektom Konzum u vezi sa predmetnim poslovnim prostorom na adresi BBI Centar, Trg djece Sarajeva br.1, 71 000 Sarajevo, na isto se ne primjenjuju odredbe člana 12. Zakona.

Ovo mišljenje je dato isključivo na osnovu podataka navedenih u Zahtjevu, te ukoliko dati podaci odstupaju od stvarnog činjeničnog stanja ovo mišljenje se ne može primijeniti.

Predsjednik

Ivo Jerkić

Dostavljeno:

- **Bingo d.o.o. Bosanska poljana bb, Tuzla**
- **a/a**